

# 2013 - VAOVAO AVY ANY BETSIHOLANY

Ny voalohan'ny volana ka hatramin'ny fahtelon'ny volana Aogositra dia nanao ny Laretirety Teny Anstahahamanitra izahay « Associés aux Sœurs du Christ » avy any Betsiholany. Efa ela tokoa izahay no nageheta ity fihaonana mangina amin'Andriamanitra ity ka rehefa nanao fiomanana nandritra ny fotoana lava dia indro fa tonga ihany ilay fotoana nandrasana. Miisa 35 ny associés ao Betsiholany fa noho ny antony tsy azo nialana tao amin'ny fianakaviana dia ny 25 ihany no nandray anjara tamin'ny laretirety.

Vao hanomboka ny fiatahana masina izahay dia tao anaty fahatoniana sy haravoam-panahy tokoa satria nanampy anay tamin'izany ny toerana milamina sady tony teny Antsahamanitra.

- **Niompana tamin'ny lohahevitra hoe « Mba hananan'izy ireo ny fiainana »** Jn 10,10 ny laretirety. Fomba fivavaka roa no tena nifotoranay - ny fibanjinana sy fandinihana masina
- **ny Jery adina ara-panahy ny fizotry ny andro**

Teo am-panombohana dia somary gaga ihany ny rehetra satria fomba fivavaka mbola tsy nahazatra ity natao ity, fa rehefa nanaraka am-pitandremana ny fanazavana sy ny famelabelarana tsara nataon'i Masera Cecile dia tafiditra tsara ihany ary tena nahita tsirony tamin'ny vavaka. Ny toerana koa moa sady malalaka no nanampy hivavaka ka dia afaka nisafidy ny tsirairay na nijanona tao an-dasapely na niva-vaka teny ivelan'ny trano.

Tetsy an-danin'izay nanokana fotoana hanaovana fifampizarana koa izahay ka tao anaty fahatsorana sy fitokisana no nandraisan'ny tsirairay anjara tamin'izany . I Masera Cecile moa tsy mitsahatra ny mamporisika hatrany satria ny mpampianatra ara-panahintsika Ignace de Loyola no nampianatra antsika io fomba fivavaka io “Ora iray hoan'Andriamanitra tena tsara”

Rehefa nigoka ny hasoan'ny laretirety izahay dia toa tsy ampy hoanay ny telo andro natokanay . Mbola mangetaheta ny hitohizan'io fianarana mivavaka io izahay mba ahazahoanay azy misimisy kokoa sy hiainanay azy bebekokoa.

Tsy hadinonay ny manolotra fisaorana hoan'ny Soeurs du Christ rehetra izay nandray an-tanana anay tam'ity laretirety androm-pahasoavana hoanay ity. Misaotra ny Masera ao amin'ny kôminôte Antsahamanitra izay nandray anay tsara sy nanomana ny toerana ary nampiantrano anay.

Fisaorana lehibe no atolotra an'i Masera Cécile izay nanampy anay hitady sy ahita tao anaty ny vavaka hoe “**izamo Jesoa hoantsika ary iza isika eo imasony?**” Tolorana fisaorana lahibe toy izany koa i Masera Georgine izay loharan-kevitra hoan'izao laretirity nahafinaritra izao.

**“Mba hanananay ny fiainana dia fiainana sambatra miaraka amin'i Jesoa”**

Ny Associés aux Sœurs du Christ BETSIHOLANY

